

上海圖書館珍藏
顧廷龍主編

清代硃卷集成

(九四)



成文出版社有限公司印行

本

冊

11

録

鄉試（順天）科年

嘉慶庚午（十五年）（一八一〇）科

癸酉（十八年）（一八一三）科

丙子（三十一年）（一八一六）科

戊寅（二十三年）（一八一八）恩科

己卯 (二十四年)	(一八一九)	科
道光辛巳 (元年)	(一八二一)	恩科

壬午（二年）（一八二二）科

人名

頁數

蕭令韶	英魁	方俶威	龔廉正	王世紱	陸慶勲	全鈺	田元春	丁文釗	朱大源	劉伯龍	文興	衍助	邵日誠 （見會試嘉慶庚辰科） 六冊	龍濬	韓景堂	魏源	錫麟
.	.	.	.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.	.	.	.
.	.	.	.	.	.	.	.	.	.	.	.	.	.	.	.	.	.
一	二一	四三	六一	八一	一一三	一三五	一五三	一七三	一九三	二〇一	二一五	二三七	一四九	二六一	二六九	二八九	二九九

李	徐	陳	戈
涵	壻	椿冠	淦
•	•	•	(原名其淦)
•	•	•	•
•	•	•	•
•	•	•	•
•	•	•	•
•	•	•	•
•	•	•	•
•	•	•	•
三一九	三三九	三六三	三八五



蕭令韶

字夢瞻號虞行一乾隆癸巳年六月十八日亥時生真隸冀州武昌縣廬生民籍

高祖克岐邑庠生

高叔祖景烈

高祖母張氏

曾叔祖升芳武庠入太學生永芳貢生

高祖景謨太學生

堂曾叔祖名芳增廣生生芳

高祖母戚氏邑庠生諱鎮公次女

伯祖吉士太學生毅士太學生

曾祖世芳太學生

堂叔祖賴士太學生國士邑庠生

曾祖母孟氏

從堂叔祖偉士 傑士 英士 魁士 元士

祖彥士太學生

胞叔廷相 廷佐 廷荷 廷翼

祖母滕氏邑庠生字達四諱作謀公長女

嫡堂叔廷棟 廷贊 廷梅 廷桂

陳氏

堂叔大勇武庠生大猷武庠生大智 九思太學生九經

父廷弼邑庠生

從堂叔有祿 有臨 有別 有學 有懷 有升 有貞

母戚氏太學生字寧齋諱謚公長女

有容 有慶 有山

夏氏

業師

王老夫子

字奉義 諱廷璋 阜城縣廩貢生

邊老夫子

字畏愷 諱敬典 任邱縣廩貢生

戚老夫子

字聖齋 諱誠巳 亥 恩科舉人

王老夫子

字會一 諱文元 丙午 科舉人 現任代名府

東明縣 教諭

胞弟 咸 諱 漢

堂弟 武 章 夏 鈞

從堂弟 復興 中興 再興 文魁 會魁 殷魁 明德

立德 俊德 松齡

再從堂弟 質仁 質義 質禮 質信 質直 寧遠 寧

久 鳳齡 鶴齡 秋元

娶張氏 漢阜武庠生諱 公孫女廣生公長女

冬二

子仲 旉 業 儒 叔 旉 業 儒 李 旉 幼

胞侄 伯 壘 業 儒

堂侄 晉 功

殿試 第 甲 第

名

欽點

族繁不及備載

順天鄉試硃卷 嘉慶庚午科

中式第三百九十六名蕭令韶直隸冀州武邑縣廩膳生民籍

同考官冀寧道陳道衡劉寶鑑潘閔

薦

大主考官刑部左侍郎稽察右翼學士級朱批

取

精理爲文秀氣成彩

主考官侍郎稽察右翼學士級陳批

取

揚之高華按之沉實

主考官經筵講官協辦大學士兵部尚書劉批

中

又批 亦清亦老不蔓不支

本房總批

植義颺辭務在剛建依事
立體貴乎精要兼斯二者
風格存焉詩律清和後場
淹雅榜發通刺知爲宿儒
匡壁久穿董帷頻下允擅
北方之學宜窺東觀之書
九萬雲程此特其初桃耳

不看寫君
子極合題
解筆亦適
轉有神

登高而呼
如撫琴動
響操衆山皆

○○○○○子曰君子博學於文約之以禮

蕭令韶

君子求道之切○惟博約得其要焉○蓋道散見於文○而會歸於禮○君
子以求道爲心○舍博約其奚從哉○嘗思從容中道者○天下一人而
已○下此則格致久而見○彌精篤行至而守益力○乃持此意以求之
當時而得斯於人焉○蓋寡聖人甚惜夫○不知而作者之日以紛紛
也○於是特舉明道體道之功○而殷殷然專其責於君子曰○世有君
子固期於知盡行至而進於道也○乃往往道有宜知而所知未極
乎道之博○道有宜行而所行未得乎道之約者○何爲也哉○其始每
中於有所蔽○聰明自矜○輒以爲天下事概可知矣○乃未幾而事機

提比從博
約反面翻
入議論開
拓頗似黃
蘊生一流

水溝石出
魚可數

炳炳烺烺
大放厥詞

乍投昧昧者倉惶失措而畢生之心思智慮幾於輾轉焉而莫能
自裁者患不在識量而在學問其繼多敗於不知檢才力自雄直
以爲天下事初無難焉乃無何而防閑弗慎擾擾者率履或愆而
一身之視聽言動不覺流蕩焉而莫克自束者患不在官器而在
神明若是者或多不學於文卽學矣而得其徧未會其全不博焉
故也或未兼學乎禮卽學矣而守其暫難保其常不約焉故也是
故君子之於文也非求之於博則所以恢其見聞者不廣博學於
文則見聞無慮其不廣矣托根柢於六經而百家無妨互証紹傳
薪於列聖而諸子悉可旁叅要使古今之精蘊兼綜靡遺足以濟

精采內涵
勁氣直達

驪駒開道
路

清思結撰
互爲之根
筆力堅瘦
可敵瓊玖

一○已○之○靈○明○而○不○竭○也○則○大○文○彌○耀○焉○君○子○之○於○禮○也○非○守○之○以○
約○則○所○以○考○其○視○履○者○不○詳○約○之○以○禮○則○視○履○無○患○其○不○詳○矣○大○
固○閑○乎○名○教○之○重○而○小○亦○不○忽○於○嘖○笑○之○微○常○固○守○乎○中○正○之○經○
而○變○亦○不○失○乎○達○權○之○用○要○使○天○地○之○經○義○斯○須○不○去○足○以○叶○其○
旋○之○元○吉○而○非○苟○也○則○大○禮○克○由○焉○且○斯○二○者○有○各○致○之○勤○焉○有○
交○濟○之○妙○焉○蓋○文○與○禮○雖○互○相○爲○益○而○當○其○博○文○卽○預○爲○約○禮○之○
計○及○其○約○禮○又○執○乎○博○文○之○端○此○兩○失○之○事○也○君○子○則○博○與○約○有○
專○務○故○觀○其○會○通○行○其○典○禮○不○失○乎○先○後○之○序○而○亦○必○泯○乎○期○待○
之○心○博○與○約○雖○對○立○其○程○而○所○博○之○文○不○足○爲○約○禮○之○地○所○約○之○

禮○無○以○收○博○文○之○功○亦○非○兩○盡○之○道○也○君○子○則○博○與○約○有○交○修○故○
罕○言○性○道○得○聞○文○章○初○終○雖○判○爲○二○途○而○擇○守○要○歸○於○一○致○尚○有○
背○道○而○馳○者○乎○

本房加批

慷慨以任氣磊落以使才無不埽亦無不包一切文禮膚詞何
從闌入

天鵬鵬在秋

直截了當
不繁言而
決

故君子以人治人改而止

蕭令韶

觀○君○子○之○治○人○可○恍○然○於○其○故○矣○蓋○道○外○無○人○未○改○而○不○得○不○治○
者○亦○既○改○而○不○容○不○止○君○子○之○人○治○豈○無○故○哉○嘗○思○道○也○者○命○於○
天○率○於○性○而○實○不○遠○於○人○豈○猶○待○修○道○立○教○者○使○之○改○圖○哉○顧○性○
之○賦○於○天○者○雖○同○而○氣○之○受○於○人○者○各○異○自○夫○人○於○道○日○相○習○而○
相○離○而○治○之○事○斯○起○焉○夫○知○其○所○由○起○即○知○其○所○由○止○矣○吾○因○伐○
柯○之○詩○而○不○禁○有○感○於○君○子○之○治○人○矣○夫○君○子○之○治○人○也○果○於○何○
始○而○於○何○終○哉○維○皇○降○衷○下○民○厥○有○恒○性○性○既○無○人○不○具○則○道○宜○
無○人○不○存○而○無○黨○無○偏○尚○何○勞○建○用○皇○極○者○使○遵○道○而○遵○路○維○天○

翻治字筆
有經籍之
光

二義確

停頓兩比
局勢開展

樸實說理
是布帛菽
粟之文

陰○隲○下○民○相○協○厥○居○居○既○無○人○不○協○則○道○自○無○人○不○備○而○而○康○而○
色○又○何○待○又○用○三○德○者○俾○是○訓○而○是○行○而○無○人○之○遠○於○道○者○一○
則○拘○於○氣○一○則○狃○於○習○夫○人○卽○氣○稟○拘○於○生○初○何○至○舉○所○性○所○命○
之○全○頓○忘○其○本○始○而○自○暴○者○不○足○與○言○誰○識○求○其○端○而○復○訊○其○末○
抑○人○卽○物○欲○蔽○於○生○後○何○至○舉○可○知○可○能○之○事○盡○昧○其○當○然○而○自○
棄○者○難○與○有○爲○又○自○悅○乎○故○而○不○卽○乎○新○於○是○君○子○慨○然○矣○知○者○
知○之○過○君○子○則○使○之○俯○而○就○愚○者○不○及○知○君○子○則○使○之○仰○而○企○舉○
一○世○之○明○昧○通○塞○悉○納○於○不○偏○不○倚○之○中○初○非○君○子○益○人○以○本○無○
也○而○範○圍○曲○成○第○使○之○不○失○其○固○有○而○已○矣○賢○者○行○之○過○君○子○則○

對勇集

出學得
語妙

兩層闡發
無勝義而
有餘妍

裁○之○以○抑○其○強○不○肖○者○不○及○行○君○子○則○激○之○以○起○其○懦○合○字○內○之○
沉○潛○高○明○俱○化○于○剛○克○柔○克○之○下○亦○非○君○子○分○人○以○所○有○也○而○變○
通○鼓○舞○仍○使○之○各○還○其○本○然○而○已○矣○以○人○治○人○君○子○之○心○固○不○忍○
遽○止○也○顧○未○改○而○行○乎○不○得○不○行○者○亦○既○改○而○止○乎○不○得○不○止○蓋○
在○未○改○之○先○人○自○爲○師○家○自○爲○學○君○子○斷○不○忍○習○而○安○之○使○斯○世○
之○素○隱○行○怪○者○自○任○其○性○情○而○在○既○改○之○後○夫○婦○與○知○夫○婦○與○能○
君○子○更○不○必○強○而○加○之○責○斯○民○之○日○用○飲○食○者○胥○臻○於○睿○聖○改○而○
卽○止○君○子○豈○遠○人○以○爲○道○也○哉○

本房加批